



# DEO OPTIMO MAX. UNI ET TRINO, QUÆSTIO MEDICA,

CARDINALITIIS DISPUTATIONIBUS  
*manè discutienda, in Scholis Medicorum, die Mercurii vigesima-tertia  
mensis Februarii, anno Domini M. DCC. LXIII.*

M. GUIDONE DANIE DESPATUREAUX,  
Doctore Medico, Anatomes & Artis Obstetriciæ  
Professore, Præside.

*Utrum ad tuendam sanitatem, Balnea frigida præsent calidis?*



*N* mave proximum luxum inutilem, summi materiam mali,  
mittamus: errorum si bene poenitet, eradenda cupidinis pravi  
sunt elementa; & tenera nimis corpora asperioribus formanda  
studiis\*. Quantum enim ab optimâ Majorum consuetudine  
circà mores defleximus, tantum ab eorumdem corpora  
curandi ratione nos declinasse, funesto nimis experimento,  
heu! jamdiù fuit comprobatum. Miraris, candide advena, pompam

\* Horat.

A

huius urbis; stupes ad aspectum ædificiorum quibus ripæ circumdantur, tamque superbè exultat flumen; plenis è domibus erumpunt foras Europæ riæ, dominosque per plateas sequuntur; extollis artes, quibus Europæ imperamus: hæc pulchra sanè: at audias quales sint, quibus talia creantur. Homunciones infirmi, debiles; umbræ sæpè tenues & simulachra hominum; gens effæta, perdita mollitiæ atque deliciis; quibus, ex corporis imbecillitate nativâ, omnis vigor animi supprimitur. Has ingrediendæ ædes; expavescis, tanquam profanus ad ingressum Sanctuarii Dei; pergetamen per atria longa, quid vides? Juvenes, exhaustis viribus, aut sua, aut patrum delicta miserè luentes; orbatos patres, morbis, curâ, tædio, aut ægritudine consumptos; tabidas matres, vigiliis enectas, solis & frigoris impatientes; quas, vel minima æris mutatio, vel motus, aut graviditas lectulo prostratas affigit. Qualem hos putas parentes prolem educare posse? Aut nullam, aut sui similem, imbecillum prorsus & effætam; quam, plerumque confectam malis, vix, aut nondum puberem, mors immatura præripit: *Et enim fortes creantur fortibus: nec imbelles progenerant aquilam ferocem columba* \*. Hæc nobis peperere mala gula, somnus, lecti cubiculique calor & non renovatus ær, tandem deses vita, funesta quies & diæta calida. Quantò æquius agebant Majores nostri! qui in omnibus ducem naturam, indèque normam vitæ simpliciorum sequebantur; hi enim, nequè solis ardores, aut hyemis frigora plùs justo reformidantes, ad omnem æris temperaturam, cœlique mutationes sese componebant. Campestribus auris & aquis fluminum delectabantur, undè durata exercitio corpora, in tantam proceritatem atque robur excresebant, \* ut nos hodiè, patrum degener & effæta proles, tractantes eorum arma, tantoque impares oneri, armaturam diversi hominum generis, aut gigantum potius esse credamus. Discamus igitur ab eorum exemplo, discamus meliorem vivendi rationem; videamus, ut cætera omittam, nùm aquæ frigidæ usus, frigidaque Balnea, aded ab Antiquis celebrata, ut ex consuetudine adhibebantur, ità etiam ratione firmâ & Medicorum autoritate comprobentur, eaque calidis præstantiora esse demonstraverimus.

\* Horat.

\* Vid. Conringium, de proceritatis & habitus corpor. Germainic. causis.

## I I.

**AQUA**, ex Boerhaavio, est corpus fluidum, inodorum, pellucidum, excolor; qui in certo frigoris gradu in glaciem durum fragilem atque vitream congelascit, &c.\* Tanta est fluidi illius copia, ut pars maxima Globi terrestris aquâ circumcingatur, & venarum in modum, majori vel minori quantitate collecta, terræ superficiem, aut ejus viscera penetret & excurrat. Maximam continet in se quantitatem ignis & æris: ex igne solo fluiditatem accipit; nam, ut ait Stahlus, pro materiali suâ constitutione potius ad densationem durum penitus atque firmam habilis esse comperitur \*. Ast non ità sensibus patet quid illi conferat ær; nam ære spoliata nullo modo circâ proprietates suas essentielles mutatur. Dùm sub formâ aggregatâ colligitur, neque elastica, neque compressibilis est, sed valdè pon-

\* Boerhaav. Elem. Chem.

\* Stahl. Experim. & Observ. N°. 300. Boerhaav. h. c.

derosa; ita ut, quæ purior est, aëre communi 850 circiter vicibus gravior reperitur; hæcque solâ gravitate agit, vel fluiditatis motu. Quando verò, ex admoto violentè igneo motu, partes ejus tenuissimæ ita à se se invicem disgregantur, ut ex centro foci propellantur quaquaversum, tunc durissima corpora ingenti fragore diffringere valet, quantaque sit ejus potentia in ipso hoc expansionis gradu, satis declarant machina Papiniana & alia experimenta quamplurima. Gravitas aquæ in omnem sensum vim suam exerit; ita ut cuncta corpora intra se contenta undequaque comprimantur. Glacies jam facta, nullo modo, pro intensiori frigore, amplius mutatur aut induratur; calor autem ejus per gradus, à congelatione ad ebullitionem, ascendit; juxta quam latitudinem, tota in auras, sub vaporum visibilium aut invisibilium formâ continuè evanescit, & in aëre solvitur\*. (a) Constat ex Phycis quod, quò densiora sunt corpora, eò majorem reverà caloris gradum, aut frigus, ad tactum saltè, magis intensum suscipere percipiuntur: indè aqua semper aëre ambiente frigidior sentitur; qui sensus frigoris erit in ratione compositâ, tum majoris fluidi densitatis, tum ejusdem molecularum agitationis diversæ: hinc corpora solida excalefacta, quando aquâ tinguntur, statim constringuntur, quasi ex horrore subito; partesque illorum exteriores, priùs dilatatæ, majores in contactu ruunt; resilienteque tunc temporis vi elasticâ, omnes, agmine densò, ad centrum undiquè confugiunt. Hisce enim fluiditatis & densitatis aquæ proprietatibus, virtuteque constringendi præcipuè insistendum esse diximus, quòd indè omnem efficaciam effectusque Balneorum frigidorum salutaris, ad evidentiam usquè, deducere atque confirmare conabimur.

\* Boerhaav.  
l. c.

## I I I.

**I**TA fabrefactum est corpus humanum, ut sanum diù perstare non possit, absquè mutuâ, non solum solidorum & fluidorum in se se invicem actione, sed etiam absquè æquali reciprocatione virium cordis pellen-  
tium, elasticæque virtutis partium totius corporis repellentium. Durante hoc æquilibriò, cuncta, ex voto naturæ, peraguntur in corpore animali; optimèque succedunt functiones omnes: quo verò imminuto, secus fit. Tanta est vis cordis, ut plerumque vim reciprocantem omnium aliarum partium superet, rarò verò ab iisdem superetur; nec mirum; cum sit ipsum potentia ingens in motu perenni semper constituta; dum è contrâ, cæteræ partes ferè quiescant omnes, vel si agant, ut muscoli, identidem solum-

(a) Undè certis Atmosphæræ conditionibus in nubes collecta, iterum in terram de-  
pluit, vitam & fecunditatem omni animantium atque vegetantium generi, cum fratre  
suo aëre impertitur. Ità enim inter se omnem naturam vegetantem & animatam parti-  
untur, ut difficile dictu foret, uter ex Jove aut Neptuno fecundius imperium sibi  
elegerit: hinc ab antiquissimis temporibus primùm orta in Ægypto, deinde exulta in  
Græciâ, \* ad nostraque tempora adhuc pervagata est hæc opinio, \* aquam fuisse pri-  
mam originem atque generatricem omnium rerum.

\* Diog.  
Laert. in vi-  
tà Thaletis  
Mil.  
\* Maillet.

modò moveantur; ac proindè humorum refluxui parùm faveant, aut neque cordi resistant satis. Hinc morborum *iliades*, ut stases humorum, viscerum obstructions, &c. quas recensere hujulce non est loci. Sed summus rerum Conditor potentiam semper præsentem, quæ & actioni cordis & humorum rarefactioni indefinenter obstat, constituit; ærem scilicet, quo ambiente, gravi, & elastico comprimuntur omnia corpora, & in legitimo tono conservantur. Quò autem magis est elasticus, gravior atque densior, eò magis contra nititur; indè leviora, agilia perferuntur corpora animalium, tùm, quia inter partes externas & internas perfectius adest æquilibrium, cunctaque propiùs ad centrum sui motùs revocantur; tùm, quia, aucto aëris pondere, minuitur reverà corporis pondus, & magis ambo ad æquipondérationem accedunt. Fractò autem, vel laxato aëris elatere, contrarium fit, ut experientià comprobatur. His ità circà actionem aëris & corporis fabricam prælibatis, ea, quæ aqua corpori applicata conferat, faciliùs nunc eruemus.

Calor naturalis aquæ, etiàm in ætate fervidissimâ, nunquàm ad calorem corporis animalis naturalem pertingit; indè, quoties corpori applicatur, frigidior subito perferuntur aqua, & eò ambiente aëre frigidior, quò & ipso densior est. Tunc squamulæ epidermidis, \* priùs fluctuantes, arctiùs cuti applicantur; spiracula & meatus omnes crispantur, atque constringuntur; cutis ipsa perhorrescit; elater vasorum, priùs effusus, erigitur; fortius reagent illa in humores stagnantes, eos repellunt: ipsa etiàm constrictionis horridicæ sensatio fibris musculorum communicatur, irritantur istæ atquè se contrahunt; sanguinem contentum minùsque circulantem, ex minoribus in venas majores amandant; sanguis, ex corporis periphæriâ versùs partes internas retropulsus, ad cor majori quantitate appellit; undè motus cordis, ex defectu humorum resluentium priùs languescens, nunc reviviscit; magis dilatantur ventriculi, fortius contrahuntur; contrahuntur & arteriæ; indè conquassatur sanguis; humores, qui semper ex quiete separantur, nunc agitantur magis, teruntur, intimius permiscuntur, crasimque naturalem suam æquius consequuntur; sic, aucto motu humorum, fermentatio universalis totius massæ promovetur; parantur humores diversi, & ex ipso motu, erecto viscerum tono, secretiones, seu separationes constantius perficiuntur. Non hæc commoda corpori præbet solo contactu aqua frigida; sed & suâ pressione etiàm operatur. Tanta enim est illa pressio, ut ad altitudinem 32 pedum evecta, totius atmosphæræ pressioni æquiparetur. Indè, junctis viribus, vasorum capillarum resistentiam augent, exhalationem humorum nimiam coercent, fluxilitatem conciliant, stases referant, circulationem promovent, corpus roborant, calorem naturalem, famem, alimentorum concoctionem, agilitatem, flexilitatem atque levitatem corporis & alacritatem animi fuscitant, acuunt & augent.

Quis enim, corpore præterea sanus, balnea, unquam in flumine adivit, qui non hæc commoda perceperit? Quoties pueri ludentes pilas ex nive conficiunt, experiuntur manus ad torporem usque frigescere;

\* Vid. ant.  
Cocchi, *Dis-*  
*corso sopra*  
*l'uso eterno*  
*appresso gli*  
*antichi dell'*  
*acqua fredda*  
*sul corpo*  
*umano*, &c.  
J. Philippi  
Burggravium  
in annotatio-  
nibus ad Libr.  
Singul. Con-  
tingit, de pro-  
critate vete-  
rum Germa-  
norum.

sed relicto jeco, brevi ipsæ adeo incalescunt, ut caloris urentis sensus incuriatur animæ. Ingredere viam, flante aquilone, postea verò, toto jam præ frigore constricto corpore, in locum aliquem vento non obivium, te confer, subito ferè redibit qui perierat calor; gratus & amabilis per membra se diffundet, flexilitas, robur eorum rigiditati succedet, sicut & alacritas torpido mentis mœrori \*. Hæc inquam, hæc sunt bona quæ aër apricus, frigidior aura, vel zephiri in æstate, atque melius, certius quoque balnea frigida (pro viribus tamen & ad captum singulorum temperanter accommodata) conferunt corpori humano: sunt & alia frigida corpori applicata commoda: quodnam Pharmacum potentiùs vires & animos in syncope revocat, quàm inspersio aquæ subitanea in vultum? quanta est efficacia ad sedandos pleurumque dolores capitis, aut qui ex ambustione acutissimus exoritur? Hoc enim in casu sæpiùs vidi suppurationem præverti posse, ipsâ solâ partis ambustæ diurnâ immersione in frigida. Hos tamen salutares effectus solo restrictorio contactu atque pressione suâ præbet aqua; nec est modus alter, quo hæc talia operari posse credamus. Indè merito adhibetur usus aquæ tum internus, tum externus, quoties agitur de præcavendâ laxitate, aut cujuscumque partis elatere restituendo; ut in habituâli corysâ, anginâ recurrente catharrali; tum præcipuè in hoc frequentius sequiorem sexum infestante fluore albo, aut in ipsâ etiâ viri involuntariâ seminis profusione \*. Quod ita dictum volo, ut semper habeatur ea cautio circa usum balnei frigida, videlicet, ut sit corpus sanum; nam fuge, si timeas rupturam vasorum, & hemorrhagias internas; vel infarctum aut ulcera pulmonum patiaris; atque tandem obstructione cujuscumque visceris confirmatâ labores; ut neque post pastum aut exercitationem violentam frequentetur.

#### § V.

**V**IDEAMUS an similia afferat secum commoda aquæ calidæ usus. Quamprimùm corpori applicatur, partes omnes externæ sensu caloris gratissimò recreantur; squammulæ epidermidis \* laxantur, aquæ fluctuant, oscula vasorum hiant, dilatantur; fines arteriosi, ductusque glandularum maximam liquidî quantitatem evomunt, & eò majorem, quòd, immutâ resistentiâ in superfâcie corporis, cordisque vi semper agente, sanguis & omnes humores amandantur à centro, in periphariâ accumulantur, rarefiunt, neque, ex defectu elateris, ad cor redeunt: hinc debilitas, & animi defectio, quæ sæpiissimè usum illum comitantur: hanc etiâ debilitatem sunt experti, qui in flumine, æstu solis plurimùm excalescâtâ aquâ, lavantur. Tanta verò est humorum per exhalationem deperditio, ut sella statica eam uncias viginti aquare nos docuerit \*. Absorbentia autem venarum, capillariorum oscula, quæ simili modo, ad superficiem externam corporis, ambientî fluido viam pandunt, aquam meram, pro humoribus effusis suscipiunt: adde insuper, quod & ipsorum absorbentium vasorum calidæ usu

\* Si quis, ait Hippocrates, lib. de prælicâ medicinâ, sanus hyemâ corpus frigidâ lotionè perfrigeret vehementer quidem, atq. sub rectum venerit, magis & amplius incalescet.

\* Vid. Cels.

\* Cocchi, l. c. Burg. gravi l. c.

\* Cocchi, l. c.



elaterē fracto, minùs hæc munere suo fungantur. Indè debilitas, laxitas, membrorum tremor & impotentia, titubatio, marcor & tandem emaciatio ex usu diuturno conciliatur. Quis tales effectus ab his causis pendere negabit? Hæc enim improbare, quid est aliud quàm ipsimet experientiæ refragari? An igitur ablegandum est omninò ex medicinâ usum thermarum & aquæ calidæ? Nùm talia dicerem, qui sciam balnea calida toties à practicis in curationem plurium morborum adeò feliciter adhiberi? At non hîc de morbis, sed de statu sano agitur. Quin imò balnea calida præ frigidis adire quandòque conferre fateor. Hyeme equidem minùs nocere certum est; præsertim, quandò, diuturno gelu continuoque aquilone constrictis corporibus, sistitur transpiratio, nimiâque desiccatione crispatur cutis, ut sæpè sit in iis, qui subdiò versantur, suisque extrâ domos exercentur laboribus. Tunc sanè juvat aquæ calidæ usus, quia, laxando cutem, orificia pandendo, viam priùs præclusam humoribus morâ putrescentibus, plurimo cum corporis levamine, sternit. Hinc mos erat veterum Germanorum, ut ait Tacitus, *calidâ sæpius lavari*, nro: è quos *purimum hiems occupat* \*. Sed hæc apud Germanos atque Gentes Barbaras, quibus indurata exercitiò corpora, fortiori partium elatere atque robore donantur, neque faciliè franguntur; sed non idem apud nos, & præsertim in urbe, ubi, non magis mores & animos vitiorum omni genere depravari, quàm & ipsa corpora præ mollietie, luxu, gulæque excessu pravo dissuere heu! nimis certum est.

\* Tacit. de  
morib. Ger-  
man.

## V.

SIC assertâ omnibus rationum momentis opinione nostrâ, nunc dicam quæ in contrarium afferuntur. Ex ipsomet contactu, & ipsâ pressione frigidæ in corpus, atque horrore & rigore subsequente, fiat necesse est ingens refluxus totius massæ sanguineæ versùs partes interiores, atque præsertim versùs cor; inde congelatio, congestus & accumulatio subitanea in ventriculis cordis & in pulmonibus; hinc aberratio ejusdem liquidi, stasis funesta in pectore, atque sufflaminatio moriùs, mors tandem. Talia certè pericula primo intuitu, incauti balnea frigidiora aut diutius protracta tentantes, incurrere videntur; sed hæc rarè fieri testatur experientia quotidiana. Equidem Alexandrum magnum in frigidissimis Cydni aquis morti ferè occubuisse, & postea in eodem flumine simili modo Fredericum I. infelicitè periisse dicunt; sed constat Heroëm utrumque calore exstuantem, pulvere atque sudore persusum, longo ac difficili itinere defatigatum, servidissimo diei tempore in flumen descendisse; ambos igitur vitæ periculum fecisse, quid mirum! dùm è contrâ Augultum, tabe laborantem, balneo & diætâ frigidis ab Ant. Musâ sanatum; juvenem verò Marcellum in Baïanarum thermarum aquis miserabiliter interemptum fuisse perhibent \*. Omnes insuper, tùm præteritarum ætatum, tùm hodierni temporis nationes, pro simili usu propugnant;

\* Cœpsi,  
l. c. & Pro-  
pert. lib. 3.  
l. 164.

Ægyptii, nullo discrimine sexûs habito, in Nilo lavabantur; inde eorum sacratæ Lustrationes adeo celebratæ; quin imò, usum hunc vulgarem in medicinam induxerant; legitur in vitâ Platonis Euripidem Poëtam, in Ægypto gravi morbo decumbentem, balneo in aquâ marinâ à Medicis sanatum fuisse\*. Homerus, Poëtæ veteres & Historici, nullum usum balneo aquæ frigidæ frequentiore fuisse testantur. Apud Macedonas puerperæ etiam lavabantur frigidâ; & Rex Macedoniæ Philippus, Tarentinum Ducem ab exercitu suo removit, quod, ut ait Policenus Autor, homo delicatus & effœminatus aquâ calidâ in balneum uteretur. Sed ut ad nostrâ tempora deveniamus; nûm Canadenses utriusque sexûs aquam frigidam, glaciem aut nives reformidant? qui pellibus malè tecti, prædam venatu sequentes Lacus atque Flumina nando tranant. Quis ignorat Moscovitas æstuantes & anhelantes, ex sudatoriis suis egredi, & subitò aut in nive volutari, aut mediis in aquis fractâ glacie se immergere? Similiter agunt Livones & qui Finniâ incolunt, apud quos juvenus ipsa maximam diei partem nuda pedibus, atque corpore, suprà glaciem aut in nivibus ludere gestit\*. Adeo apud illas Gentes versa est in consuetudinem hæc vivendi-ratio. Angli ipsi, hiemali tempore, sæpè corpus, caput quotidie aquâ frigidissimâ impunè lavantur. Hunc morem, summo cum fructu, suscepere Itali, docente celeb. Ant. Cocchi, quem virum hîc sum præcipuè secutus, G. A. Decoré Medicus Lugduno-Batavus Dissertationem nuper edidit de balnearum frigidorum utilitate in Hollandiâ; balneaque in usum hunc ædificari curavit. Apud Antiquos ipse Hippocrates pluribus in locis usum aquæ frigidæ laudat\*; laudat & Cornelius Celsus; commendat Galenus; de illo optimè scripsit Agatinus Medicus sub Trajano\*. Frequenter Charmidem Massiliensem Medicum, Romæ adhibuisse, Plinius testatur\*. Neque filebo Thesim eximiam, duodecim abhinc annis in hæce Scholâ propugnatam, à D. Thuram, D. M. cujus hæc est conclusio, ergo assate, sanitatis inelâ, balneum in flumine. Cur cæteros memorem? Agite igitur, viri Parisienses; quid cessatis? ne amplius damno luxu atque pessimâ consuetudine vos diffuere patiamini, animos martiales geritis, alii desunt vires in corpore debili, quæ non ex cæco impetu vanisque conatibus, sed ex duratione atque laborum longâ patientiâ æstimantur; nec diù stat in armis, qui calere aut algere nescit. Quæ de viris jam dixi, hæc quoquæ ad sexum amabilem pertineant, velim. Detestamini vitam desidem; abjicite pulvinaria, lectulos, sedilia longa, hæc molliora nimis; aperite cubicula contracta malè, ingenti luxu & apparatu in perniciem vestram exornata, quæque, tanto labore & impensis circumclaudi, & excalescieri curatis, ut inde arceatur omnis aër, tanquàm si hominibus misceri, vel auram cælestem, vos haurire atque ducere puderet. Abjicite hæc, inquam; & simul aufugiet pessima malorum cohors, quæ tanquàm pestis in vos irruit; nec patiementi amplius hos tam diros capitis dolores, scorbuticam labem, rabes longas, pectoris angustias, histericam passionem, convulsiones, &c. ac imprimis hunc sceleratissimum, fastidiosumque fluxum, quo pars vestrum plurima turpiter

\* Diogen.  
Laert.

\* Vid. les  
Relations des  
voyages d'O-  
learius & de  
Jean Struys  
en Moscovie.

\* Vid. pas-  
sim, & præci-  
pue Aphor.  
15 Sect. V.

\* Extat ad-  
huc eximium  
fragmentum  
ab Oribasio  
conservatum.  
Vid. Cocchi.

\* Vid. Essai  
Histor. sur  
la Médecine  
en France.

8

descendatur. Revocate mores Patrum antiquos; jam tutius vitæ assuescite  
duriori, nec aërem apricum ducere, incedere pedibus, equo conscen-  
dere, agere, defatigari atque tandem frigidâ lavari reformidate, Sic præ-  
libatâ melioris sanitatis spe, brevî in conclusionem hanc mecum  
devenietis.

*Ergò ad tuendam sanitatem, Balnea frigida præstant calidis.*

Proponebat Parisiis JOANNES D'ARCET, Severopolitanus-Adurensis;  
in Universitate Burdigalensi Doctor Medicus, necnon Saluber-  
rimæ Facultatis Medicinæ Parisiensis Baccalaureus, Thes. Aut.  
A. R. S. H. 1763.

A SEXTA AD MERIDIEM

---

Typis Viduæ QUILLAV, Universitatis & Facultatis Medicinæ Typographi, 1763.